

# *INDLELA YANKULUNKULU*

## *LEYENTELWE TSINE*



Kanye kanye manje, yibambeni, kakhulu sibili manje.

Umusa lomangalisako! umsindvo lomnandzi kangaka,

Lowasindzisa lolusizi njengami!

Ngangilahlekile, kodvwa manje sengitfoliwe,  
Ngangingaboni, kodvwa manje ngiyabona.

Asikhotsamise tinhloko tetfu manje.

<sup>2</sup> Babe wetfu loseZulwini, siyakubonga Wena ngenhlanhla lenkhulu kutsi sifanele site kuWe. Kucala, singeke site ngaphandle kwaKhristu. Ngako-ke sibeka liGama laKhe embikwemkhuleko wetfu. Futsi-ke siyati, ngeLivi laKhe, kutsi Utoliphendvula, ngoba sicela eGameni laKhe. Kute kulunga lekungekwetfu, kute lesinako lesingakwenta; kodvwa ngemusa kuphela siyeta, sicela eGameni laKhristu.

<sup>3</sup> Babe, kungahle kubekhona emadvodza lamanengi nebesifazane ekhatsi lapha, kulesakhiwo kusihlwa, labatoni. Wena wafela soni. Kwangatsi lobu kungaba busuku kutsi Nkulunkulu utokhulumu enhlitiyweni yabo futsi ababite ngemusa waKhe, bangene eMbusweni. Siphe kona, Babe. Mhlawumbe bacitse sikhatsi umnyaka lomnengi, bazulazula esonweni, kodvwa kwangatsi leli kungaba li-awa.

<sup>4</sup> NgiyaKubonga, Nkhosi, ngaBilly Paul, kusihlwa, wami tatane, lomncane, umfana longenanina, ayiswe lena nalena, ngiyaKubonga, Nkhosi, ngekumnika uMoya loyiNgcwele, njengesiciniseko manje, ngalelinye lilanga lenkhatumulo sitombona make futsi, tonkhe tintfo tilungle, bani kahle. O Nkulunkulu, akutsi tiNgelosi timente ati namuhla. Wakhala kakhulu ekufeni kwakhe, kutsi, "Ukhonte Nkulunkulu... ngalelinye lilanga Billy Paul uyoba yindvodza futsi emukele Moya loNgcwele." Imikhuleko seyiphendvuliwe. Nkulunkulu, busisa lomfana manje. Kwangatsi angalandzela etinyatselwemi teNkhosi. Kutsi liphimbo lakhe lelincane belichachatela kanjani ngesikhatsi atsi, "Babe, ngisandza kwemukela Moya loNgcwele. Ngijabula kakhulu."

<sup>5</sup> Nkulunkulu, kwangatsi loko kungaba lwati lwa-lwawo wonkhe umuntfu lotelwe kabusha lapha kusihlwa. Kwangatsi bangemukela Moya loNgcwele kusihlwa. Sente noma ngusiphi sono, sitsetselele, Nkhosi. Philisa labagulako. Bopha labephuke inhlitiyo.

<sup>6</sup> Futsi manje, Nkhosi, angati ngisho nekutsi ngitocala kuphi, kukhuluma kusihlwa, kodvwa Wena utoniketa. NgiyaKukholwa, futsi ngicela kutsi Utosipha intfo letosita bantfu, ngoba sikucela eGameni laKhe. Amen.

<sup>7</sup> Kwekfundvwa nje kwemBhalo lomncane lapha, ku-Isaya wema 35, ngifisa kufundza. Ngoba, emavi ami ayokwehluleka; Livi laNkulunkulu lingeke lehluleke. Ngako-ke, kute—kute inkonzo lephelele ngaphandle kwekfundvwa kucala kwemBhalo.

*Lihlane . . . netindzawo lettingahanjelwa  
tiyobajabulela; nelugwadvule luyawutfokota, luchakaze  
njengembali.*

*Luyochakaza ngalokucicimako, futsi lutfokote ngisho  
nasenjabulweni . . . luhlabela: neludvumo luyokuta  
eLebanoni luyo . . . nikwa lona, luyonikwa ludvumo  
iKhameli neSharoni, bayobona inkhatimulo yeNKHOSI,  
nebungcweti baNkulunkulu wetfu.*

*Cinani nine tandla letibutsakatsaka, futsi nicinisekise  
emadvolo labutsakatsaka.*

*Nisho kulabo laba . . . nenhlitiyo leyesabako, Cinani,  
ningesabi: bukani, Nkulunkulu wenu utakuta  
nemphindziselo, ngisho Nkulunkulu ne . . . nembadalo;  
utokuta futsi anisindzise.*

*. . . uyovula, . . . tindlebe tetihhulu tiyovulwa.*

*Khona-ke umuntfu losishosha uyogcuma  
njengendluzele, nelulwimi lvesimungululuyohlabela:  
ngoba ehlane emanti ayochuma, nemifudlana  
elugwadvule.*

*Nemhlaba lowomiswe kushisa uyoba lichibi,  
nendzawo leyomile iyobanemitfombo yemanti: . . .  
indzawo lehlala bodrago, lapho kuhlala khona  
ngamunye ngamunye, kuyobanetjaninemihlanga  
netihlahlana.*

*Nemgwaco lomkhulu uyoba lapho, nendlela, . . .  
yebungcwele; longcolile akayuwendlula kuyo; kodvwa  
iyoba yalabo: emadvodza lazulazulako, noma batiwula,  
bangeke baduke kuyo.*

*Kute libhubesi leliyoba lapho, kungeke kubekhona  
kwasisilwane lesinelulaka lesitohamba . . . khona  
lapho, ngeke sitfolakale lapho; kodvwa labahlengiwe  
bayohamba lapho ekhatsi:*

*Nalabahlengiwe beNKHOSI bayobuya, futsi bete eZiyoni  
netingoma nenjabulo lengunaphakadze etikwetinhloko  
tabo: bayotfola injabulo nentfokoto, nelusizi nekububula  
kuyobaleka.*

<sup>8</sup> Kwangatsi iNkhosi ingengeta tibusiso taYo ekufundvweni—kufundvwa kweLivi laYo. Ngifuna kukhuluma kusihlwa, uma Nkulunkulu atsandza, imizuzwana lembalwa nje kini. Ngitobuka liwashi lami lapha, kutsi anginihlalisi sikhatsi lesidze kakhulu kusihlwa.

<sup>9</sup> Emvakwetinkonzo taleliviki, ngitama kukhombisa bantfu kutsi asikho sidzingo sekwesaba. Intfo lembi kakhulu develi langayibeka etikwakho kwesaba. Kube bewunemdlavuza futsi ungesabi, futsi ukholwe kutsi Nkulunkulu bekatokuphilisa, bewungeke ube sesimeni lesibi kakhulu. Nkulunkulu uyakunakekela loko; uma bewugula, nomangabe kuyini, kube bewungesabi. Ngako kwesaba ngulenye yetintfo letimbi kakhulu Sathane langatibeka kumuntfu.

<sup>10</sup> Manje, kuleliviki ngitamile kufakaza, ngemBhalo, kutsi umuntfu lotelwe kabusha ngeMbuso waNkulunkulu akesabi lutfo. Ngekwelucobo, uphephile kuJesu Khristu. “Konkhe loko Babe laNgiphe kona,” Watsi, “kutakuta kiMi. Akekho umuntfu longeta ngaphandle uma Babe abita. LoBabe bekafanale amholele etulu kiMi; futsi loyo lota kiMi, Angeke ngize ngimlahlele ngephandle. Futsi yonkhe i... Akekho longabahlwitsa esandleni saBabe waMi; akukho muntfu lomkhulu kunaloko Langiko. Loyo lova emaVi aMi futsi akholwe Nguloyo loNgiftumile, unekuPhila lokuphakadze; akasayi ekulahlweni, kodvwa wendlulile ekuPhileni... ekufeni wangena ekuPhileni. Loyo lodla inyama yaMi futsi anatse iNgati yaMi une...” (Hhayi kutsi “uyoba ne,” kodvwa “sewunako,” sikhatsi samanje.) “...kuPhila lokuphakadze, futsi Ngiyomvusa ngelusuku lwekugcina.”

<sup>11</sup> “Ngako-ke ningamdzabukisi Moya loyiNgewele waNkulunkulu lenabekwa ngaye lumphawu kute cube luSuku lwekuHlengwa kwenu.” Nako laph’ukhona. “Ubekwe lumphawu kute cube luSuku lwekuHlengwa kwakho.” Hhayi nje kusuka emvuselelweni yinye uye kuleny, kodvwa kute cube luSuku lwekuHlengwa kwakho.

<sup>12</sup> Hhe, kutsi uMoya loNgewelete ungena kanjani manje ekuseni futsi wasibusisa kuloko! Wasigina kwaze kwabangunase igabence insimbi yekucala, manje ekuseni, kusukela cishe nase igabence insimbi yemfica. Kutsi Usibusise kanjani!

<sup>13</sup> Manje, kusihlwa, ngifuna kukhuluma nge... Isaya washo lapha, “Kuyoba nemgwaco lomkhulu, nendlela yebungcwele” Manje ngifuna kukhuluma ngekutsi, “Indlela yaNkulunkulu,” Indlela YaNkulunkulu Leyentelwe Tsine.

<sup>14</sup> Manje, cube bentitoya eDolobheni laseNew York, intfo lenhle kakhulu kimi kuyenta akusiko kutama kutfola, ngekwendzawo, kutsi ngibekwe kanjani futsi ngisuke enyakatfo. Kodvwa indlela lencono kunato tonkhe yekukwenta kutfola

imephu bese ngilandzela imephu, (ngabe kunjalo na?) umgwaco lomkhulu. Uma ngingakwenti, ngingena enkingeni.

<sup>15</sup> Atikho tindlela letijubelako eMbusweni waNkulunkulu. Niyati, sitama kwenta indlela lejubelako, siphumele lapha echibini ndzawanatsite bese siyadlwadlw eludzakeni sehle. Futsi nguloko lesikwentako uma siphuma emgwacwensi lomkhulu lomdzala lomuhle waNkulunkulu. Nkulunkulu wenta indlela, indlela.

<sup>16</sup> Ngeskhati bantfwana baka-Israyeli baphuma eveni laseGibhithe, balandzela indlela yaNkulunkulu. Yaholela etulu eLwandle loluBovu. Kuyamangalisa, kutsi Nkulunkulu bekatohola indlela yaKhe wenyukele ngalapho. Kodvwa indlela yaKhe yadzabula ngco lwandle.

<sup>17</sup> Ngako uma sekufika sikhatsi, futsi lemancamu, na-Israyeli wema lapho embikwelwandle, indlela yaNkulunkulu yahola yawela lwandle. Ngako Nkulunkulu wabuka phansi ngeNsika yeMlilo, lwandle lwesaba lwabuyela emuva, na-Israyeli wawela emhlabatsini lowomile. Indlela yaNkulunkulu yahola yendlula lapho.

<sup>18</sup> Wase-ke Yena wenyukela ngco ehlane, wangena emtfonjeni wase *Mara*, “lababako” emanti. Akumangalisi yini kutsi Nkulunkulu waholela bantfwana baKhe emantini lababako na? Kodvwa bonkhe bahamba kuloyo mgwaco. Kodvwa ngeskhati Alapho, likhambi lemanti lamunyu lalime elusentseni. Mosi wajuba sihlahlala wase usiphonsa emantini, aphindze agucuka aba mnandzi futsi.

Labanye bendlula emantini, labanye bendlula  
kuzamcolo,  
labanye bendlula etivivinyweni letijulile,  
kodvwa bonkhe bendlula eNgatini.

<sup>19</sup> Nguleyondlela Nkulunkulu lahola ngayo bantfwana baKhe; indlela yaNkulunkulu, indlela leniketwe nguNkulunkulu. Kube bantfwana baka-Israyeli betama kugega, futsi baphume eceleni, behle ngalendlela, bebatongena enkingeni. Bebefanele balandzele liFu leMlilo, iNsika yeMlilo leyabahola. Balandzela Leyo.

<sup>20</sup> Futsi uma liBandla, kusihlwa, litolandzela kuphela iNsika yeMlilo, Moya loyiNgcwele, nitofika eKhenani nje ngekuciniseka njenganoma yini. Nkulunkulu unendlela, indlela leniketiwi.

<sup>21</sup> Kunetindlela letimbili umuntfu langahamba ngato, futsi leyo yindlela yakhe noma indlela yaNkulunkulu, futsi leyo yindlela lelungile noma indlela lengakalungi. Futsi indlela yakho ihlala njalo iyindlela lengakalungi, nendlela yaNkulunkulu yindlela lelungile. Futsi ungeke ubesendleleni yakho lucobo nasendleleni yaNkulunkulu ngeskhati lesifanako, ngako ufanele uphume ngendlela yakho

kute Nkulunkulu akhone kuba nendlela yaKhe kuwe. Kunjalo. Nkulunkulu wenta indlela leniketiwe.

<sup>22</sup> Umuntfu bekahlala njalo afuna kwenta indlela lengeyakhe. Ensimini yase Edeni, Nkulunkulu wenta umuntfu lobekangadzinge kutsi atisebentele kutsi atfole nomayini. Nkulunkulu wamenta waphelela, kodvwa umuntfu bekafuna yakhe nje indlela. Bekafuna kutsikameta. Bekafuna kutfola. Futsi-ke kwatsi nje masinyane angawa... Sendlulile kuloko kuleliviki, ekudadisheni umBhalo. Watentela inkholo. Akalindzanga Nkulunkulu kutsi amentele yinYe. Watentela yinYe yena lucobo, kodvwa watfola kutsi inkholo yakhe, simbonyo sakhe, asizange sisibente. Loko bekuhlala njalo kungumuntfu. Ufuna indlela lengeyakhe. Kodvwa Nkulunkulu bekanendlela. Ngako umuntfu wenta emacembe emkhiwa wase uwabeka etikwakhe, yena nemkakhe, kodvwa, ngesikhatsi ehla kutsi abhekane naNkulunkulu, watfola kutsi loko kwakungeke kusebente.

<sup>23</sup> Futsi ngiyanitjela, bangani, bekunalamanengi indvodza, futsi ikhona nakusihlwa, leyehlela ekupheleni kwemgwaco, batotfola kutsi leyonholo lencane lengashoni lobambelele kuyo angeke iseBente. Akukho lokusilele katalwa kabusha lokuyosebenta. Jesu watsi, "Uma umuntfu angakatalwa ngemanti neMoya, angeke aze angene eMbusweni." Akunashlakaniphi, akunandzaba kutsi uyiMethodisti, Baptisti, Presbyterian, nomangabe uyini, angeke singene size sitalwe ngemanti neMoya. *Katalwa* kuchaza kutsi u "guculiwe." Utufanele afe ngaphambi kwekutsi atalwe. Ngako ufanele ufe kuwe lucobo, uphindze ortalwe kabusha, futsi, kuKhristu Jesu. Kunjalo.

<sup>24</sup> Manje ngifuna nine nicaphele, watitfola etama kwenta indlela yakhe. Sibenako, manje ekuseni, kutsi Khayini wetama kanjani kwenta indlela yakhe. Wehlisa lamanye emahhabhula nemagonandvodza nemampentjisi nematsanga, nomangabe kwakuyini, wakubeka e-altari wase utsi, "Manje lapho, Nkhosi, ngakhe i-altari. Ngakha libandla. Ngililunga lelibandla lelikahle." Niyabona na? "Ngiya esontfweni onkhe malanga. Ngita lapha, ngakhe i-altari. Ngabeka umhlatjelo etikwayo. Manje ngitoguca phansi futsi ngikhuleke. Futsi manje, Nkhosi, ngifuna Wena ungemukele." Kodvwa Nkulunkulu wamala.

<sup>25</sup> Nalowomoya lomdzala lofanako wetenkholo uphila phansi ngco emkhatsini welibandla namuhla, yona kanye nje lentfo lefanako, akholwa nje ngako konkhe, futsi akati lutfo ngaNkulunkulu kunekutsi liHothenthothi lingati ngebusuku baseGibhithe. Niyati kutsi lelo liciniso. Imimoya yenkholo! Ningacabangi kutsi Stalin ungumphikikhristu. LiBhayibeli latsi, "Lemimoya lemibili iyosondzelana kakhulu ndzawonye, idukise nalabaKhetsiwe uma kungenteka."

<sup>26</sup> Sitfolo kutsi Judasi Iskariyothe wehla ngco, wase uyaphuma futsi watfokota futsi washumayela liVangeli; uyabuya, ampongolota futsi amemeta, futsi anesikhatsi lesimnandzi nalalabanye bafundzi. Matewu loNgewe, sahluko se 10. Kodvwa walanzela bafundzi yonkhe indlela, noko, develi longene kumuntfu, wase uyeta; njengoba Jesu bekanguNkulunkulu longene kumuntfu; Khayini na-Abela kusukela ensimini yase-Edeni. Kodvwa uma sekufika sikhatsi sakhe kutsi enyukele ePhentekhosti, futsi atfole sibusiso, wakhombisa bunguye bakhe.

<sup>27</sup> Futsi uma uhamba uyokhulumu ngekutalwa kabusha, wemukela umbhabhatiso waMoya loNgewe, ngalokuphindivwe kayimfica kulolonkhe lilishumi, leyomimoya iyokhombisa bungiyo bayo, kutsi iyini. Bayotsi, “Leso sicuku sebuhlanya. Kuyekele kanjalo.” Mnaketfu, yindlela leniketwe nguNkulunkulu yemuntfu namuhla. Haleluya!

<sup>28</sup> Bukani, Nkulunkulu bekaahlala njalo ente indlela leniketiwe. Nkulunkulu ubophelelekile kwenta indlela. Nkulunkulu wenta indlela yemvelo. Kungani sinalabozamcolo labakhulu kangaka kulelive lonkhe? Bajuba tonkhe letihlahla netintfo kanjalo, bakuyekele kugedvuke kwehle kanjalo. Wakha lidamu lelikhulu lapha futsi kugcwale umbhedze wemfula; nankho ahamba, lamanti. Uphatamise imvelo. Nkulunkulu bekanendlela leniketiwe. Nguloko lokwabangela zamcolo. Nomayini umuntfu lafaka sandla kuyo, Nkulunkulu layente yaphelela, bese wena uyenta ingapheleli. Kunjalo.

<sup>29</sup> Manje, njengekutsi nje, kwenta sibonelo nje, njenge—ngemadada. Ngiyatsanza kubukela emadada, esikhatsini semnyaka uma ngiyotingela etulu entsabeni. Ngiyobasetulu lapho ekwindla lemnyaka. Yebo-ke, lapho emadada onkhe aphuma eLouisiana nasentasi lapho, futsi entasi emachaphotini. Futsi enyukele enyakatfo bese ahlala phansi, ente sidlike futsi akhulisa emantjwele awo. Bese ke labafo labancane bayakhula, mhlawumbe ngenyanga yeNyoni, ngalesikhatsi lesi semnyaka, noma nasekuyophela iNyoni. Bese ke lelidada lelidzadlana, licudze lelidada lelincanyana, alikaze liphume kulelochibi. Lilapho nje kulelochibi.

<sup>30</sup> Emvakwesikhashana lapho sitfwatfwa sindiza etulu entsabeni. Lichwa lelincane lishaya etulu lapho, bese umoya lobandzako uyahusha wehle ngale kwaleyontsaba. Lelodada lelidzadlana liyakuva loko. Manje alikaze liyendzawo kodvwa lihlala kulelochibi, lisengakabi nemnyaka budzala noko. Liphakamisa nje inhloko yalo emoyeni, loko kugwegweta, futsi ligijime liphume echibini, futsi litsi “honk-honk,” onkhe emadada esitibeni ayokuta kulo. Onkhe emadada lasitibeni ayati kutsi latalwa lingumholi. Nalelodada lelidzadlana litophakama lapho esitibeni, ngaphandle kwenkhombandlela

noma leny' intfo, futsi lihambe licondze ngco eLouisiana, emasimini elilayisi, ngangoba lingahamba.

<sup>31</sup> Kubukeka kwangatsi emaKhristu bekafanele abenemuzwa welidada, empeleni. Akafaneli yini? Kunjalo. Kulungile.

<sup>32</sup> Ngani na? Wena utsi, "Kutivela ngekwemvelo." Cha, ahamba ngendlela leniketwe nguNkulunkulu. Nkulunkulu uwanika indlela, umuzwa lovele ngekwemvelo kuwaholela entasi lapho, futsi ayawukholwa.

<sup>33</sup> Kodvwa, Nkulunkulu unika umuntfu Moya loNgcwele, futsi uyaWala, unendlela yakhe lucobo. Kodvwa Nkulunkulu unendlela leniketiwe yetfu. Haleluya! Ngitiva ngitsi kugcwala kukholwa kusihlwa, emvakwaloku, nalobobusuku lobumbalwa bemvuselelo.

<sup>34</sup> Caphelani, nako ke. Yebo, mnumzane. Lelodada lelincane liyokwehlela lapho.

<sup>35</sup> Futsi ngitonitjela lenye intfo. Bewungaphumela lapha ephephandzaben; utsi, "Kusasa kutoba simo selitulu lesihle." Besé uyahamba uyotingela futsi ubukele labobologwaja baya kuyohlala phansi kulobotjani. Ungakhatsaleli lawomaphandzaba.

<sup>36</sup> Ubuke leyongulube lendzala isusa lawomahlanga ngasenyakatfo yelicuma futsi iwatsatse iwayise ngaley, ngaseningizimu yelicuma, itentele u-mbhedze ngale ngaseningizimu yalelicuma. Yati lokunengi ngako kunabo bonkhe bahlatiyi beliphephandzaba emhlaben. Kunjalo. Inemuzwa wemvelo. Ita ngalapha eluhlongotsini Iwaseningizimu, kufihla lowomoya lobandzako wasenyakatfo uta wehla. O, hhe!

<sup>37</sup> Uma ingulube inemcondvo lowenele kubhacela umoya lobandzako, kutsiwani ke ngawe ngaMoya loNgcwele na? Haleluya! Loko kutivela kwakho ngekwemvelo. Yebo, mnumzane.

<sup>38</sup> NaNkulunkulu watinika umuzwa wemvelo. Kuyindlela leniketwe nguNkulunkulu yato. Tiphila ngendlela leniketwe nguNkulunkulu.

<sup>39</sup> Wena utsatsa imbali, uma ifa futsi yehle iye emhlabatsini. Akusiko kuphela kwayo; iyaphila futsi. Nkulunkulu wayentela indlela leniketiwe, futsi iyakholelwa kuyo.

<sup>40</sup> Nkulunkulu bekahlala njalo ente indlela leniketiwe. Ngalesinje sikhatsi ayiholeli etintfweni letijabulisako, ngalesinje sikhatsi ihamba yendlule etimeni letimatima, kodvwa kuyindlela leniketiwe yaNkulunkulu. Nkulunkulu uyakwenta, nomakanjani.

<sup>41</sup> Ngalesinje sikhatsi Bekenendvodza lesendleleni leniketwe nguNkulunkulu, yayifanele ingene, ngemgodzi wemabhubes,

kodvwa wahamba ngendlela leniketwe nguNkulunkulu. Nkulunkulu wambuyisa futsi. Haleluya!

<sup>42</sup> Sengiyababona labanye bantwana bemaHebheru bahleti entasi lapho eBhabhiloni ngalokunye kusa. Bala kukhotsamela esithicweni. Kunjalo. Batsi, “Singeke sikhente. Shaya wonkhe umculo lofuna kuwushaya, futsi ukhalise nemintjingo nemacilongo akho, kodvwa singeke sakhotsama phansi esithicweni sakho.” Haleluya!

<sup>43</sup> Sinike labanye futsi boShadraki, Meshaki, nabo-Abednego, (yebo, mnumzane) labangeke bakhotsamele phansi entfweni yakho yelive. Asidzingi kutsi sikhotsamele phansi kuko. Nkulunkulu usikhululile, ngaMoya loyiNgcwele. Haleluya! Yebo, mnumzane.

<sup>44</sup> Manje sengiyababona entasi lapho, ngalokunye kusa. Ase—ase—asesigucule emakhamera etfu abuke phansi ngalapho umzuzu nje, futsi sibukisise sibone. Sengiyababona labobafana entasi lapho, ngalokunye kusa. Batsi, “Manje buka, inkhos iatsi, ‘Wonkhe umuntu longaguci phansi, sitomphonsa esithandweni semlilo.’”

<sup>45</sup> Futsi bahamba bakhuleka bacedza, ngalobunye busuku. Ngelusuku lolulandzelako, uma kufika umsindvo kutsi bayokhotsama embikwemfanekiso, leni, bafulatselisa umhlane wabo kuwo.

Ngako wefika lapho, watsi, “Bafana, nikwentile loko?” “Ya.”

<sup>46</sup> “Yebo-ke, sitoshisisa sithando semlilo, ngalokuphindvwe kasikhombisa kunendalela lesake sabangiyoo.”

<sup>47</sup> Manje akumangalisi pho! Kwakunelipulango lelihleli lapha ngephandle, lelikhuphukela emlonyeni walesithando semlilo.

<sup>48</sup> Yonkhe indzawo iBhabhiloni yayibovu ngaloko kusa, umlilo ubhodla. Sengiyayibona iNkhosi Nebukhadinezari, njengendvodza yesimanje namuhla, wahlala ngephandle lapho wase utsi, “Manje sitoshisa nje yonkhe leyonkholo yaMoya loNgcwele iphume kulabo bafo.”

<sup>49</sup> O, ya, ungocabangi kutsi develi angeke akushise. Impela utokushisa. Kodvwa, khumbula, Moya loNgcwele nguMlilo ngekwaKhe naye.

<sup>50</sup> Manje, ngifuna nibukisise, indlela yaNkulunkulu lehola ikhuphukela ngco kulelopulango lekungena. Sengiyambona Shadraki, Meshaki, Abednego, bahamba kumasha kwekuwa. Sengiyamuva Shadraki atsi, “Abednego, ukhuleke wacedza?”

“Yebo”

“Kulungile, ke.”

“Ucinisekile kutsi usendleleni yaNkulunkulu na?”

<sup>51</sup> “Yebo, mnumzane. Futsi Nkulunkulu washo eVini laKhe kutsi kutsi singakhotsameli tithico, futsi singeke sikhente.

Nkulunkulu angakhona kusikhulula kulesithando semlilo. Kodvwa uma Angakwenti, kuyini ngako. Asinawukhotsama phansi. Sihamba endleleni leniketwe nguNkulunkulu.”

<sup>52</sup> Ngiyamuva lomunye atsi, “Ucinisekile kutsi unayo lendlela yaKhe leniketiwe?”

“Yebo.” Haleluya!

<sup>53</sup> Labanye batsi, “Yebo-ke, anicabangi kutsi bonkhe labobantfu bangahle kube bakahle, esikhundleni senu?”

<sup>54</sup> “Cha, mnumzane. Libhayibheli lasho njalo, futsi sihlala naLo.” Basho bakhuphuka ngco ngalelopulango lekungena. Nginga . . . Lokushisa nje ku . . . Lokushisa lokumatima kwase kucishe . . . Kwawabulala lamadvodza labaletsa etulu lapho.

<sup>55</sup> Beso nje balungele kunya tsela bangene ekhatsi. Nkulunkulu bekangakase washo ngisho linye ligama. Basahamba nje ngendlela leniketiwe. Bahamba benyukela ngco emlonyeni wesithando semlilo. Kwatsi nje cishe ngesikhatsi sebalungele kungena esithandweni semlilo . . . Niyati, nginesitfombe lesimnyama kabi lapha embikwami njengamanje. Bantfu lotama kuphila ngekwetsembeka kuNkulunkulu, ahambé ngendlela leniketwe nguNkulunkulu; alungiselela kushiswa. Sitfombe lesinje pho!

<sup>56</sup> Caphelani, sonkhe sikhatsi nakukhona lokuchubekako phansi lapha, kukhona lokuchubekako nasetulu Lapho, ngesikhatsi lesifanako. Ake sibuke etulu Lapho kancanyana futsi sibone kutsi kwentekani. SengiyaMbona eme lapho, netingubo taKhe tebunkhosana tiMtungeletile. Haleluya! Sengiyabona, intfo yekucala, ivela ngesekudla, iNgelosi lenkhulukati, lebitwa ngaMikhayeli. BanaMunye etulu lapho. Benikwati loko na? Sengiyamuva agijima enyuka lapho ecelemi kwaKhe, atsi, “Nkhosi!” SengiyaMuva ahoshula inkemba yaKhe emgodleni waKhe, kanjena, futsi watsi, “Uke Wabuka phansi eBhabhiloni manje ekuseni? Kunebantfu labahamba ngendlela leniketwe nguNkulunkulu. Kunemadvodza lavumako kubeka luhawu bufakazi bawo manje ekuseni. Bazalwane betfu sewutoshisha nje.” Sengiyamuva atsi, “Ake ngehlele lapho! Ngitosintjintja lesitfombe.” Ngikholwa kutsi bekangakwenta; Ngiyakhola.

<sup>57</sup> SengiyaMuva atsi, “Cha, ngeke ngikuvumele ukwente. Gabriyeli, bewusolo uyi, noma, Mikhayeli, bewusolo uyiNgelosi lekahle kakhulu. Hamba, buyisela inkemba yakho, mani ushaye indesheni lapho.”

<sup>58</sup> Naku kufika lenye iNgelosi, ibitwa ngeMhlonyane; yenta emanti ababe. Nayi ita, yatsi, “Nkhosi, buka phansi laphaya. Nginako konkhe kulawula kwemanti lamanengi. Wakujikisela kimi ngesikhatsi sembubhiso yazamcolo, futsi ngawasha lonkhe live, konkhe ngaphandle kwaNowa nebantfu bakhe. Manje,”

watsi, “ake ngehlele lapho futsi ngitowasha iBhabhiloni isuke emephini.”

<sup>59</sup> SengiyaMuva atsi, “Mhlonyane, ungakwenta, kunjalo, kodvwa ngingeke ngikuyekele uhambe. Ngumsebenti lowenele iNdvodza.”

<sup>60</sup> O, sengiyaMbona asukuma, *kanjalo*. Sebatofanele bente sinyatselo sekugcina. NgiyaMbona afinyelela ngalapho futsi watsi, “Wota lapha,” kulomkhulu umdvumo lolengela emuva ngaleya. O, hhe! KwaMlalela.

<sup>61</sup> SengiyaMbona, kuMuva atsi, “Moya wasemphumalanga, inyakatfo, enhonalanga, naseningizimu, wota lapha futsi utfwale umdvumo. Ngitawunigalela njengemahhashi. Ngitohlala kulomdvumo lona, manje ekuseni, njengencola. Ngiya entasi eBhabhiloni, cobo lwaMi.” Haleluya!

<sup>62</sup> SengiyaMuva afinyelela etulu futsi wabamba umbane lomankimbonkimbo futsi wawuklazisa etibhakabhakeni, *kanjalo*; lapho nje sebenta sinyatselo sabo sekugcina, bahamba ngendlela leniketwe nguNkulunkulu. Futsi cishe ngesikhatsi bashaya ekhatsi lapho, Wendlula ngaseLwandle lwekuPhilia wase utsatsa lusundvu, futsi Bekeme entasi lapho aphephetsa umoya loheletako kubo. Haleluya! Uhlala alapho njalo uma umuntfu atohamba ngendlela leniketwe nguNkulunkulu. Yebo, mnumzane.

<sup>63</sup> Ngalesinye sikhatsi kwakukhona lomdzala “mshumayeli longumampumpane”, umshumayeli lomdzala webungcwele emuva ngaleya, kadzeni, ligama lakhe nguNowa. Watsi, “Uyati, litokuna, kutofika siphepho.”

<sup>64</sup> Ngiyabeva bantfu bahamba hamba futsi batsi, “Awusho, uyamuva loya mgiciki longcwele lomdzala etulu lapho? Utsite, ‘Litokuna.’ Ngani, lalingazange seline etikwemhlabo. Futsi litokuna? Kanjani, avelaphi lawomanti na? Yebo-ke, asihambe siyokhipha isayensi futsi sitfole kutsi akhona yini emanti etulu lapho. Ngani, cha, kute emanti etulu lapho. Yini indzaba na? Lowomshumayeli lomdzala uphambene enhloko yakhe.”

<sup>65</sup> Kodvwa Nkulunkulu washo njalo! Nkulunkulu watsi, “Lungisa umkhumbi, Nowa, kute kusindziswe bendlu yakho, kuze kusindziswe bantfu.” NaNowa bekanemuzwa ngalokwenele kutsi akwente. Nguloko kuphela. Weta walungisa umkhumbi.

<sup>66</sup> Futsi ngalelinye lilanga, ngiva labanye babo entasi ekoneni, bakhulum, entasi ekoneni lebhizinisi. Labanye babo batsi, “Yeyi, utsini ngaleyondzaba yemvula etulu lapho, lowomshumayeli lomdzala longumampumpane akhulumna ngekutsi litokuna etulu lapho na? Uke wayiva intfo nje lenjalo? Futsi ucabanga kutsi usendleleni leniketwe nguNkulunkulu.” Bekanjalo. Amen.

<sup>67</sup> Intfo yekucala niyati, nako kufika kudvuma nembane. Ngiyambona lomdzala, lomkhulu, lomdzala make kamela ngephandle lapho, abuka etulu futsi watsi, “Babe Kamela, uyeva kutsi loko kwakuyini? Lowo bekungumdvumo. Nguloko Nōwa lakusho. Asifinyelele emkhunjini.” Entasi bawela ligcuma bahamba. Futsi nako kuta babe hhashi namake hhashi, natotonkhe letinye letihamba ngatimbili, tiyongena emkhunjini, ngasinye ngasinye. Nkulunkulu wavala umnyango, watfumela imvula. Nowa bekasendleleni leniketwe nguNkulunkulu.

<sup>68</sup> Labanye babo bagibela tingodvo, batsi, “Ngitontanta ngendlule lapho.” Kodvwa ngitonitjela, lapho tiphepho seticala kudlaba, umkhumbi wenyuka. Haleluya! Ngani na? Bebasendleleni leniketwe nguNkulunkulu. Nkulunkulu uyohlala njalo abusisa bantfu labatohamba ngendlela Layiniketako. Akazange anikete lugodvo. Akazange sekanikete loku. Waniketa umkhumbi.

<sup>69</sup> Futsi, namuhla, mnaketfu nadzadze, kukhona indlela leniketelwe besilisa nebesifazane, leyo ikuJesu Khristu iNdvodzana yaNkulunkulu, Lowafa ngaleya eKhalvari, nangeNgati yaKhe sinekutsetselelwa kwetono; futsi singemukela umbhabhatiso waMoya loNgewe, ngekuphasisa kwaNkulunkulu, kutsi Usemukele eNdvodzaneni yaKhe, Khristu Jesu. Ngekuphepha! Haleluya!

<sup>70</sup> Utongibita ngemgiciki longewe, empeleni, ngako sewungavele nje ucale manje. Kulungile. Ngitiva ngikahle impela. Kulungile.

<sup>71</sup> Niyakukholwa Loko na? Leyo yindlela yaNkulunkulu nendlela lekuphela kwayo. Akusiyo indlela yeMethodisti, akusiyo indlela yeBaptisti, akusiyo indlela yePresbyterian, akusiyo yePhentekhosti. Yindlela yaKhristu. Khristu uyindlela leniketwe nguNkulunkulu. Ungumhlatjelo loniketwe nguNkulunkulu. UnguJehova-Rafa. UnguJehova-Jayira. UnguJehova-Manase.

<sup>72</sup> Ngesikhatsi Abrahama anikela nga-Isaka, wabita lendzawo lapho ngaJehova-Jayira, “iNkhosi itotiniketela Yona lucobo umhlatjelo.” Futsi nako ke, iNdvodzana yaNkulunkulu. Amen. Nkulunkulu sonkhe sikhatsi wenta indlela yekuphunyuka. Yebo, mnumzane.

<sup>73</sup> Ngalesinye sikhatsi kwakukhonu umshumayeli lomdzala entasi lapho ashumayela, ligama lakhe ngu-Elisha. Wenyukela lapho wase ubuka ngephandle eveni, futsi watsi, “Ngiyakutjela, kubi kakhlulu kulengike ngakubona.”

<sup>74</sup> Lenkhosi lendzala entasi lapho yahamba futsi yashada naJezebeli lomdzadlana lopendile, pende lowenele ebusweni bakhe kwenta...Wesifazane kuphela eBhayibhelini lowake wapenda buso bakhe. Futsi niyati kutsi Nkulunkulu wentani

kuye? Nkulunkulu wamnikela etinjeni. Ngulowo kuphela lengimatiko.

<sup>75</sup> Nawubona wesifazane anapende lomnengi ebusweni bakhe, uyati kutsi yini longambita ngayo? Utsi, “Halo, Nkhosatana Nyama yeNja!” Nguloko langiko,unjengenyama yenja. O, hhe! Lalela, mnaketfu, ngisandza kubuya nje e-Africa. Leyontfo ivela ebumatimeni bebuhedeni. Emahedeni atipenda wona.

<sup>76</sup> O, mnaketfu, uma wesilisa noma wesifazane alungisana naNkulunkulu, awudzingi kubatjela loko; banemahloni, bona lucobo. Haleluya! Kunjalo.

<sup>77</sup> “Mfana, intfo yekucala uyati, utoba nawo onkhe lama-Israyeli enta loko.” Eliya watsi, “Nkhosi, vala emazulu. Yentani lokutsite ngako.”

<sup>78</sup> Nkulunkulu wakhulumpha phansi wase utsi, “Manje, Eliya, ngiyakutjela kutsi wenteni. Yani entasi futsi ukhulume na-Ahabi.”

<sup>79</sup> Futsi naku kuta umshumayeli lomdzala, ahamba ehla adzabula lapho, nesicephu lesikhulu sesikhumba semvu avunule sona kanjalo, buso bumahwele nemadzevu njengeshishiboya. Wenyukela embikwenkhosi wase utsi, “Ematolo angeke aze abitwe... noma awe ngize ngiwabite.” Haleluya! Bekasendleleni leniketwe nguNkulunkulu. Yebo, mnumzane.

<sup>80</sup> “A, suka lapha, wena lihatsa. Kulungile, siyati kutsi sentani.”

<sup>81</sup> Eliya lomdzala watsi, “Nkhosi, ngifanele ngentenjani ke? Unikete yonkhe indlela. Ngente loko.”

Watsi, “Yenyukela ngaleya ngasemfudlaneni iKherithi bese uhlala phansi.”

<sup>82</sup> “Kulungile, indzawo lembi kabi, kodvwa ngitokwenyuka ngihihale phansi. Wena utsite, ‘Yenyukela lapho.’ Uma indlela Yakho iholela etulu lapho, ngitawukhuphukela etulu lapho.”

<sup>83</sup> Wenyuka wase uhlala phansi. Watsi, “Manje, Nkhosi, ngitokwentani lapha na?”

“Hlala lapho. Hlala lapho nje.”

<sup>84</sup> Futsi intfo yekucala niyati, ucala kulamba. Watsi, “Nkhosi, ngitsi kulamba kancanyana.” Futsi naku kufika lihhwabayi lapho.

<sup>85</sup> Labanye babo batsi, “Awubuke loyamshumayeli longumgiciki longcwele lomdzala ahleti etulu lapho egcumeni. Ngani, akahlanyi yini! Yebo-ke, lowomfo, ahleti etulu lapho elangeni, utokufa. Leni, ulihatsa.”

<sup>86</sup> Futsi intfo yekucala niyati, onkhe emanti aphela. Kute emanti ekunatsa, entasi e—eveni. Kodvwa sonkhe sikhatsi Eliya nakafuna kunatsa, bekavele nje agobondzele emfudlaneni iKherithi futsi anatse. Khona-ke nasalambile, naku kufika

lihhwabayi lapho, nesangweji emlonyeni walo, latsi, “Naku laph’ukhona, Eliya.”

<sup>87</sup> Wena utsi, “Layitsatsaphi leligwababa...? Ucondze kutsi uyakukholwa loko, Mnaketfu Branham?” Yebo, mnumzane. Yebo, mnumzane. “Ucondze kutsi ligwababa laletsela Eliya intfo letsite kutsi ayidle iminyaka lemitsatfu netinyanga letisitfupha na?” Ngiyakukholwa. Utsi, “Belikutfolaphi?” Angati. Intfo kuphela lengiyatiko, leligwababa lakutfola ndzawanatsite, lakuletsa ku-Eliya, Eliya uayidla futsi wahlala iminyaka lemitsatfu netinyanga letisitfupha kuyo. Kunjalo. Ngiyakukholwa.

<sup>88</sup> Leyo yintfo lefanako nge... Wena utsi, “Yini lelekuenta ujabule kangaka? Yini lekwenta uvitsite umkhono wakho?” Angati. Intfo kuphela lengiyatiko, iKhalvari yaKubhadalela, liBhayibheli laKufundzisa, Moya loNgcwele waKuletsa, nginaKo. Haleluya! Angati ngisho nekutsi Livelaphi, kodvwa nginaLo. Haleluya! Kunjalo. Ngingeke senginijele kutsi Lalivelaphi, kodvwa Selifike lapha. O, hhe! Lenta libhantji lakho likwenele kancono. Impela. *Haleluya!* Ningamangali. Loko kuchaza kutsi “akadvunyiswe Nkulunkulu wetfu.” Amen! Loko kusho kutsi “akube njalo.” O, hhe! Impela, kunjalo. Angati...

<sup>89</sup> Futsi batsi bekahlanya, ahleti etulu lapho? Hhe! Wota u... Wota sikhatsi sekudla, naku kuchamuka umbumbi wemabhodo, atsi, “Naku, Eliya. Naku kudla kwakho kwasekuseni.” Ngani, bekancono kunahhafu webantu ekhatsi lapha kusihlwa. Ngiyacabanga nje ababanengi kakhulu ekhatsi lapha kusihlwa lonetinceku letingemakhalatsi. Kodvwa bekanetinceku letitsite letimakhalatsi, emagwababa latsite amletsela lokutsite langakudla kuko konke kudla. Haleluya! Ludvumo! Nkulunkulu bekanelikamelo lekudlela ndzawanatsite; Wakulungisa, wakupheka, wakutfumela kuye. Haleluya! Lowo Nkulunkulu lofanako uyaphila futsi uyabusa namuhla.

<sup>90</sup> Wahlala endleleni yaKhe leniketiwe. Nkulunkulu watsi, “Yenyukela lapho uhlale phansi,” ngako ukwentile. Nguloko kuphela lebekakwati kukwenta. Ucabangani ngaloko, uyakholwa kutsi kuliciniso? Loko kunjalo. Amen. Yebo, mnumzane.

<sup>91</sup> Intfombatanyana yayishona entasi ngesitaladi ngalelinye lilanga, futsi yatsi... Ekugcineni, lomunye watsi... “O, haleluya! Haleluya!” Watfola nje Moya loNgcwele.

<sup>92</sup> Ngako kwakunemphikinkholo lomdzala ahleti ngale ekoneni, watsi, “Ujabuliswe yini kangaka, wena lomncane?”

<sup>93</sup> Watsi, “O, Jesu ungisindzisile nje futsi wangigcwalisa ngaMoya loNgcwele.” Watsi, “Ngijabule kakhulu.”

Watsi, “Buka, yini loloyiphetse esandleni sakho?”

Watsi, "LiBhayibheli lami."

Watsi, "Uyalikhola Lelo?"

"Impela."

Watsi, "Uyakhola ngiko konkhe kwaLo?"

"Konkhe kwaLo."

Watsi, "Uyayikholwa leyondzaba ngaJona?"

"Yebo."

<sup>94</sup> Watsi, "Uyakhola kutsi empeleni lowomkhoma wagwinya lendvodza?"

"Yebo, mnumzane. Ngiyakukholwa."

<sup>95</sup> Watsi, "Utokufakazela kanjani nganoma nguyiphi lenye indlela ngaphandle kwekukholwa na?"

<sup>96</sup> Watsi, "Yebo-ke, uma ngifika eZulwini ngitobuta nje uMnaketfu Jona."

<sup>97</sup> Lomphikinkholo watsi kuye, watsi, "Uma-ke uMnaketfu Jona angekho eZulwini ke?"

<sup>98</sup> Watsi, "Khona-ke wena uyodzingeka umbute." Haleluya! Yinye kuphela indzawo lesalele yena, leso sihogo.

<sup>99</sup> Uma wencaba indlela yaNkulunkulu, utofanele uye esihogweni. Ufanele uye khona. Nguronandlela lekuphela. Ngako usendleleni yinye noma lenye. Amen. Kulungile.

<sup>100</sup> Sengiyambona entasi lapho, ahleti etulu lapho nemagwababa amletsela lokutsite langakudla.

<sup>101</sup> Wabuyela emuva entasi lapho. Wehla egcumeni, ngalelinye lilanga. Futsi Nkulunkulu watsi, "Manje lelichibi selomile. Ngifuna nehlele lapho endlini yemfelokati." Indzawo lenje pho umshumayeli kutsi aye kuyo! Nkulunkulu wamtjela kutsi ahambe. Leyo kwakuyindlela leniketiwe. Wewukela entasi lapho. Futsi bekangesuye um-Israyeli, futsi. Cha, bekangesuye. Futsi waya entasi lapho... Futsi wahamba ehla ngeligcuma.

<sup>102</sup> Futsi lapho ehla egcumeni, wahlangana nemfelokati lomdzala eme egcekeni, ephula tinkhuni takhe ndzawonye. Watsi, "Ngena futsi ungiphe lokutsite kutsi ngikudle, bese ungiletsetsela emanti."

<sup>103</sup> Watsi, "Njengoba iNkhosi iphila, nemphefumulo wakho ungaifi, Nginempuphu kuphela leyenele endlini kwenta licebelengwane linye lelincane lendvodzana yami. Ngifota tinkhuni letimbili lengingabhaka ngato lelicebelengwane, futsi yona nami sidle bese siyafa."

<sup>104</sup> Watsi, "Hamba ungilandzele emanti lamancane, kucala, bese ubhaka licebelengwane futsi uliletse kimi." Haleluya!

<sup>105</sup> Utokwentani lowesifazane? Nay o ke indlela leniketwe nguNkulunkulu. "Funani kucala uMbuso waNkulunkulu nekulunga kwaKhe konkhe."

<sup>106</sup> Wena utsi, "Mnaketfu Bill, make wami ugijima abaleke ekhaya. Umyeni wami akakhoni kuhlala nami."

<sup>107</sup> "Funani kucala uMbuso waNkulunkulu nekulunga kwaKhe," haleluya, "tonkhe leti letinye tintfo tiyokwengetwa." Kunjalo.

<sup>108</sup> "Ngitokwenta kanjani, Mnaketfu Bill na?" Chubeka nje ukwente. Jesu watsi, "Ngilandzele." Kunjalo. Gcina liso lakho likukunye. Kulungile.

<sup>109</sup> Futsi intfo yekucala niyati, uyangena, utsatsa letinkhuni letimbili uyatephula. Niyati kutsi indlela lendzala yemaNdya yephula kanjani lukhumi? Leso kwakusiphambano, kusobala. Futsi kulesiphambano, babasa lamkhatsini ngco. Kulapho la lomlilo bewushiswa khona, lelocebelenqwane lelihhavu.

<sup>110</sup> Wakhipha lelicebelengwane futsi walinika lomshumayeli, futsi wema lapho wadla. Watsi, "Manje buyela emuva utitsatsele wena lucobo newakho bo...indvodzana. Ngoba, ISHO KANJE INKHOSI, lembita angeke isaphela, noma ingula yome, kute kuge lusuku Nkulunkulu latfumela ngalo imvula emhlabeni." Haleluya!

<sup>111</sup> Ini? Ngoba lowesifazane wafuna uMbuso waNkulunkulu kucala, ngoba wahamba ngendlela leniketwe nguNkulunkulu, Nkulunkulu wamnika umvuzo. Uyakukholwa loko na? Yebo, mnumzane.

<sup>112</sup> Kwakukhona wesifazane ngalesinye sikhatsi lowafelwa ngumnakabo. Ligama lakhe kwakunguLazaru. O, bekangumfana lolungile; watondza kumyekela. Futsi wafa. Watfumela kumfundisi wakhe, noma umvangeli, lokwakunguJesu. Bekaphumile ebandleni, futsi bekalahle konkhe lebekanako. Futsi watfumela kutsi Jesu ete, akhuleke, futsi nje Wachubeka. Watfumela futsi, futsi nje Wachubeka. Watsi, "Angenti lutfo aze Babe angikhombise." Babe bekasavele amKhombisile kutsi Lazaru bekatokufa.

<sup>113</sup> Ufika, emvakwesikhashana, cishe emvakwetinsuku letintsatfu noma letine. Watsi, "Lazaru ufile, nangena yenu ngiyatfokota kutsi bengingekho lapho. Kodvwa ngiyahamba ngiyomvusa."

<sup>114</sup> Ngako-ke weva kutsi Jesu beketa, ngako waphuma kuyohlangana naYe.

<sup>115</sup> Leyo kwakuyindlela leniketwe nguNkulunkulu, hamba uhlangane naJesu. Kunjalo, sonkhe sikhatsi. Uma unelusizi ekhaya lakho, hamba uhlangane naJesu. Unekugula ekhaya lakho, hamba uhlangane naJesu. Unebuhlungu benhlitiyo ekhaya lakho, hamba uhlangane naJesu. Haleluya! Uma unesidzingo sanoma yini, hamba uhlangane naJesu. Hamba uhlangane Naye. Unalo lonkhe likhambi, yonkhe intfo lapho; Akanalo likhambi, Unendlela yekwelapha. Amen.

Wase uyahamba uyohlangana naYe, futsi wawa phansi etinyaweni taKhe.

<sup>116</sup> Futsi bekayifundzile lendzaba, ngalesinye sikhatsi, lapho kwakukhona wesifazane emuva le eBhayibhelini, futsi longumMshunemi. Futsi bekacabanga kakhulu ngemshumayeli ligama lakhe longu-Elisha. Ngako wenta likamelo lelincane eceleni kwendlu yakhe lapho, wabeka umbhedze nelikhandlela nesitulo, nakanjalonjalo. Na-Elisha wefika futsi wabona bonkhe lobuhle lobu lebekabente kumshumayeli, wakhokha kweshumi kwakhe nayoyonkhe intfo, niyati. Ngako watsi, “Hamba ucele, ubone kutsi singentani, uma ngihamba ngiyokhuluma nenkhosi noma endvuneni lenkhulu.”

<sup>117</sup> Watsi, “Ngihlala nebantfu bami nako konkhe kulungile.”

Watsi, “Kulungile, hamba umbute kutsi yini lengingayenta.” Gehazi watsi, “Uyinyumba. Ute bantfwana.”

<sup>118</sup> Watsi, “Hamba umtjele kutsi, ISHO KANJE INKHOSI, ‘Cishe ngalesikhatsi lesi semnyaka, ngekwekuphila, kutsi utokwemukela indvodzana.’” Futsi wakwenta.

<sup>119</sup> Umntfwanyana wacala cishe aneminyaka lelishumi nakunye noma lelishumi nakubili budzala. Ngalelinye lilanga, cishe ngesikhatsi sasemini, bekangephandle ensimini nababe wakhe, ngikholwa kutsi watfola sitrokhni selilanga. Ucala kumpongolota, “Inhloko yami! Inhloko yami!” Watfumela lenye yetinceku ekhatsi neluswane, umfana lomncane. Wamhlalisa ematsangeni amake wakhe. Emini wafa.

<sup>120</sup> Indzawo lefaneleke kanje pho! Wamtsatsa wamkhuphula wayomlalisa embhedzeni walomshumayeli, lapho umprofethi bekalala khona. Indzawo lenhle kuya kuyo. Walala ngco embhedzeni wemshumayeli.

<sup>121</sup> Watsi, “Ngibophelele umnyuzi manje bese uya embili, futsi ungayekeli kugibela ngize ngikutjеле.”

<sup>122</sup> Ngiyakutsanza loko. Chubeka futsi ungemi! Chubeka nje uhamble. Kunjalo.

<sup>123</sup> Inkhatsato yako kutsi, siyema futsi sikhulume nebantfu labanengi kakhulu. Simele emaphathi lamanengi kakhulu ekutijabulisa. Sinalokunengi kakhulu kutfunga-tfunga, futsi sihlele emaphathi ekutisha, niyati, sitishe-sitfunga futsi sikhulume ngaNkhosatana *S'bani-bani*. Nine niyati kutsi kunjani. Tonkhe letintfo leti letehlukene tifika ebandleni. Kantsi, benifanele nilahle sonkhe leso sikhukhula sesiphepho, futsi nibe nefashini lendzala, imvuselelo letfunyelwe nguNkulunkulu; nikhuleke kuyo, uze ubuye, liZulu liphansi naMoya loNgcwele ufika njengekuvunguta kwemoya lonemandla futsi agcwalise indzawo nebantfu. Amen. Nguloko lesikudzingako.

Watsi, “Ungemi.”

<sup>124</sup> Nendvodza yakhe yatsi, “Lendvodza ayikho eKhameli.” Watsi, “Lena akusyo inyeti lensha noma lisabatha.”

<sup>125</sup> Watsi, “Konkhe kuhamba kahle.” Bekafuna kufika kumprofethi. Ngako wachubeka ngco.

<sup>126</sup> Elisha wabuka ngephandle wase utsi, “Naku kuta lowomShunemi. Kukhona lokungalungi kuye; angati kutsi kuyini.”

<sup>127</sup> Wagijima wenyuka. Wase utsi, “Ngabe konkhe kuhamba kahle ngawe nemyen i wakho, umntfwanakho?”

<sup>128</sup> Watsi, “Konkhe kuhamba kahle.” Ngiyakutsandza loko. Bekatsetse indlela leniketwe nguNkulunkulu. Watsi, “Yonkhe intfo seyilungile manje.” Wase-ke ucala kulembula.

<sup>129</sup> Watjela Eliya, watsi, “Hamba, utsatse ludvondvolo lwami ulubeke kuye...” Noma, watjela Gehazi, “Hamba utsatse ludvondvolo lwami ulubeke etikwalomntfwana.”

<sup>130</sup> Kodvwa watsi, “Angeke ngikushiye.” Ngako lomprofethi wabuya ngalapha, wakhuleka, wahamba ehla enyuka nelikamelo, wabeka umtimba wakhe etikwalomntfwana lofile, futsi waphila.

<sup>131</sup> Lowesifazane, Martha, bekati kutsi lomShunemi wacondza kutsi Nkulunkulu bekakumprofethi waKhe. Futsi uma Nkulunkulu bekakumprofethi waKhe, impela Nkulunkulu bekaseNdvodzaneni yaKhe. Ngako uma bekangafinyelela kuJesu, bekayoba nalo likhambi. Ngako uyagijima futsi uwela phansi embikwaKhe. Watsi, “Nkhosi, uma...” Nguloko Lebekangiko. “Nkhosi, kube Bewukhona, umnaketfu ngabe akakafi. Kodvwa, ngisho namanje, nomayini Loyicela kuNkulunkulu, Nkulunkulu utokwenta.” O, ngiyakutsandza loko. “Ngisho namanje, nomayini Loyicela kuNkulunkulu, Nkulunkulu utokwenta.”

<sup>132</sup> Loko kuhle kusihlwa. Wena utsi, “Ngisoni, Mnaketfu Branham.” Ngisho namanje, nomayini loyicela kuNkulunkulu, Nkulunkulu utokwenta. “Ngihawukele, soni,” futsi Utokwenta. Uma ugula, “Bani nemusa kimi, Nkhosi,” futsi Utokwenta ngisho namanje. Wena utsi, “Dokotela uphonse lithawula ngami; kodvwa, ngisho namanje, Nkhosi! Angikaze ngihambe iminyaka lesihlanu; kodvwa, ngisho namanje, Nkhosi! Angikaze ngive lutfo, ngoba angati kutsi nini; ngisho namanje, Nkhosi. Angikaze ngikhulume livi, ekhatsi ngingeke senginitjele kutsi nini, kodvwa ngisho namanje, Nkhosi.” Nomayini leniyicela kuNkulunkulu, futsi Uhleti ngesekudla saBabe, ancusela etikwekuvuma kwakho. Haleluya!

Watsi, “Ngisho namanje, nomayini Loyicela kuNkulunkulu, Nkulunkulu utoyenta.”

<sup>133</sup> Waticondzisa yena lucobo lomncane, watsi, “Umnakenu utawuvuka futsi.

<sup>134</sup> Watsi, “O, yebo, Nkhosi, ekuvukeni lokukhulu ngelusuku lwekugcina, uyovuka futsi.”

Watsi, “Ngikuvuka nekuPhila.” O, hhe!

<sup>135</sup> LiBhayibheli latsi, “Kute buhle kutsi uMbuке, uMfo lobukeka abutsakatsaka.” Kodywa Watsi...Ngesikhatsi Aticondzisa Yena lucobo, nango ke Nkulunkulu.

<sup>136</sup> Watsi, “Manje umnakenu utovuka futsi.” Watsi, “Ngikuvuka nekuPhila,” kusho Nkulunkulu. “Loyo lokholwa ngiMi, noma besafile, noko utawuphila. Nomangubani lophilako futsi akholwe ngiMi angeke afe. Uyakukholwa loku na?”

<sup>137</sup> Watsi, “Yebo, Nkhosi. Ngiyakhola kutsi Wena uyiNdvodzana yaNkulunkulu lebeyitokuta emhlabeni.”

<sup>138</sup> Watsi, “Nimbekephi?” Nangu Esuka aya ethuneni. Jesu wakhala.

<sup>139</sup> Wesifazane wangitjela kungesiko kadzeni... wesifazane lokahle kakhulu, weSayensi yebuKhristu lobekangakholwa kutsi Jesu bekangu...bekanguNkulunkulu. Bekakhola kutsi Bekangumprofethi nje. Bekakhola kutsi Bekangumuntu lolungile, kodywa Bekangesuye Akatalwanga yintfombi ntfo. Baphika kutalwa yintfombi ntfo.

<sup>140</sup> Akusiko loko kuphela, kodywa lucwaningo lukhombisile kutsi emaphesenti langemashumi lasiphohlongo nesihlanu ebashumayeli bemaPhrothestane base-United States asho kutsi kutala kwentfombi ntfo kwakuyintfo lengekho. Kunjalo. Ngingakwenta kalula loko, bengingakucabanga kalula loko ngendlela lokuphila ngayo. Lelo liciniso mbamba, bakholwa kutsi kwakuyintfo lengekho nje. Futsi liphesenti lelikhulu kunaloko belingakholwa kutsi Jesu utobuya ngalokubonakalako futsi. Akumangalisi sidzinga imvuselelo!

<sup>141</sup> Mnaketfu, lalela lapha. Uva lokunengi kakhulu ngemvuselelo, namuhla. Asikaze sibe nemvuselelo.

<sup>142</sup> Ngalandzela lenye indvodza, lapha kungesiko kadzeni, lapho bakhuluma khona ngalokunengi kwaloku. Watsi, “Waya edolobheni linye futsi waba nalabaphendvukako labatinkhulungwane letishlanu.” Salandzela ngco emvakwako, (hhayi mine) licembu lebafundisi, futsi satsatsa emakhadi sase siyabalanzela sibuyela emuva njalo, futsi esikhatsini lesingangemalanga langemashumi lamatsatfu lalabatisho kutsi basindzisiwe ababatfolanga. Niyati kutsi ngicabangani? Ngicabanga kutsi kuhlabeka esikhundleni sekuphendvuka, uma umuntfu atelwe kabusha ngaMoya waNkulunkulu.

<sup>143</sup> Lesikudzingako namuhla akusiwo umhlangano loyindzendze, kodywa leyifashini lendzala, letfunyelwe nguNkulunkulu, imvuselelo yaMoya loNgcwele; yesikhatsi lesidzala, sibhakabbaka lesiluhlata, lesibulala sono, inkholo

legezwe ngeNgati. Amen. Lekwenta ubuyisele lawomathulusi elithayi futsi wente kuperhendvuka. Kunjalo.

<sup>144</sup> Watsi, wase utsi-ke, “Yebo-ke, buka lapha, Mnaketfu Branham, Ngingakufakazela kuwe kutsi Bekangesilutfo kuperhela angumuntfu nje.”

<sup>145</sup> Ngatsi, “Kwente. Uma ungfakaza kimi kutsi Bekangesuye Nkulunkulu, khona-ke ngitokwemukela.”

<sup>146</sup> Watsi, “Cha, Bekangesuye Nkulunkulu. Bekangumuntfu nje. Futsi ngingakufakazela ngeliBhayibheli, kutsi Bekangumuntfu nje.”

<sup>147</sup> Ngatsi, “Uma ungakufakazela ngeliBhayibheli, khona-ke ngitokwemukela.” Watsi, “Sewulungele na?” Ngatsi, “Ngilungele.”

<sup>148</sup> Watsi, “Ngesikhatsi Aya entasi, kuJohane loNgewe 11, ngesikhatsi Aya ethuneni laLazaru, Wakhala.”

Ngatsi, “Loko kuphat selene ngani nako?”

<sup>149</sup> Watsi, “Ngani, loko kwafakazela kutsi Bekangesilutfo kuperhela umuntfu, Bekakhala.”

<sup>150</sup> Ngatsi, “Buka lapha, dzadze. Bekangumuntfu, impela, kodvwa Bekangetulu kwemuntfu. BekanguNkulunkulu-Muntfu.”

<sup>151</sup> Nkulunkulu bekakuKhristu, enta kutsi live libuyisane naYe. Yebo, mnumzane. Wetela kutokwenta intsandvo yaBabe. Wahamba ngendlela leniketwe nguNkulunkulu. Akazange abuke ngesekudla noma ngesencele; Wente loko Nkulunkulu latsi akawkente. Bekayindlela leniketwe nguNkulunkulu.

<sup>152</sup> Futsi endleleni leya kuLazaru, Wakhala. Bekangumuntfu ngesikhatsi Akhala.

<sup>153</sup> Kodvwa ngesikhatsi Ema lapho eceleni kwelithuna, lapho umuntfu bekakadze afe khona tinsuku letine; netibungu tesikhumba letinyakatako tigijima tingena tipuma emtimbeni wakhe, futsi anuka lapho; ngesikhatsi Atsi, “Lazaru, phuma,” umuntfu lobekasafe tinsuku letine, wema ngetinyawo takhe waphindze waphila futsi. Loko kwakungetulu kwemuntfu. Haleluya! Yebo, mnumzane. Bekangumuntfu akhala, kodvwa BekanguNkulunkulu ekuvukeni kulabafile.

<sup>154</sup> Bekangumuntfu ngesikhatsi Ehla avela entsabeni, ngalobo busuku, alambile, acalata yonkhe indzawo, etihlahleni, kutsi atfole lokudliwako. Bekangumuntfu ngesikhatsi Alambile.

<sup>155</sup> Kodvwa ngesikhatsi atsatsa imicatsane lesihlanu neticeshana letimbili tetinhlanti, futsi wondla bantfu labatinkhulungwane letisihlanu, loko kwakungetulu kwemuntfu. Lowo kwakunguNkulunkulu enyameni. Haleluya!

<sup>156</sup> Bekangumuntfu ngesikhatsi Alele esikebheni ngalobo busuku, lapho emandla sekaphumile esembatfweni saKhe; waze

Waba ngisho butsakatsaka kakhulu, lwandle lolunemandla lubhodla, bodeveli labatinkhulungwane letilishumi belwandle bafunga kutsi batoMcwilisa ngalobo busuku; ngesikhatsi lesosikebhe lesidzadlana, siyiswa lena nalena lapho ngephandle, njengesivimbo selibhodlela elwandle lolunemandla. Ngiyati kutsi Bekangumuntfu ngesikhatsi Acambalele lapho, alele, kodvwa ngesikhatsi batsi, "Awunandzaba nje Wena kutsi siyabhubba?"

<sup>157</sup> Wasimisa lunyawo lwaKhe etikwemngcengcema wesikebhe, watsi, "Thula, unganyakati," futsi kwabanekuthula. Loko kwakungegetulu kwemuntfu. Haleluya! Lowo kwakunguNkulunkulu. Haleluya! Kunjalo, Bekanguye; yebo, impela, unguye.

<sup>158</sup> Bekangumuntfu ngesikhatsi Alenga eKhalvari, ngesikhatsi baMnika setfulo lesikhulu kunato tonkhe labake batenta. Ngesikhatsi batsi, "Wasindzisa labanye, Angeke akhone kutisindzisa Yena lucobo." Setfulo lesimangalisa kanje pho, noma kuncomeka, labaMnika kona. Kube Wasindzisa laba labanye nanaye luCobo, Bekangeke abasindzise labanye. Ngako, Wadzingeka kutsi atinikele yena Cobolwakhe, kute asindzise labanye. Bekangumuntfu ngesikhatsi Akhalela sihawu, ngesikhatsi Atsi, "Nkulunkulu wami, Nkulunkulu wami, UNgishiyeleni na?" Wafa njengemuntfu. Yebo.

<sup>159</sup> Kodvwa ngesikhatsi Avuka ekuseni ngeliPhasika, Wafakaza kutsi BekanguNkulunkulu. Akumangalisi umprofethi atsi:

Aphila, Wangitsandza; afa, Wangisindzisa;  
Angewatjwa, Watfwala tono tami taya  
khashane le;  
Avuka, Walungisia ngesihle phakadze:  
Ngalelinye lilanga Uyabuya—o, lusuku  
leliligugu!

<sup>160</sup> Haleluya! NgiyalMtsandza. Animtsandzi nine? [Libandla litsi, "Amen."—Umhl.] Hambani ngendlela leniketwe nguNkulunkulu.

<sup>161</sup> Sengiyatibona letinye tati, ngalesinye sikhatsi, tiya ekutalweni kwaKhe, kutsi tiMkhonte. Sengiyababona bonkhe balungiselela. Balayisha kumakamela abo.

<sup>162</sup> Sengiyambona Jim Jones nabo bonkhe lalabanye, naJohn Doe, bapakisha. Sengiyababona babeka lamatafula emakhadi, apakishwe lapha eceleni kanjalo, futsi babeka yonkhe lenye intfo etikwako, futsi bebatohamba bayokhonta Jesu. Batfola kutsi, ngesikhatsi befika lapho, bancuma kutsi lamakamela lamadzala akasakhoni kuhamba.

<sup>163</sup> Nguleyo nje indzaba ngelibandla namuhla. Nipakishe kakhulu live kulo, selinibuyisela emuva. Kunjalo.

<sup>164</sup> Sengiyambona acala kuphuma kanjalo, nabo bonkhe. Befika eceleni kwentsaba ngaleya, akakhoni ngisho nekwendlula, ngoba, “Lisango lincane nendlela yincane, kodvwa bambalwa labatoyitfola.” Yebo, mnumzane.

<sup>165</sup> Sengiyambona lomunye umfo lomdzala apakisha, bekatenta abe lula, ngoba, “Ngiyapakisha, kutsi ngiye eZulwini.”

<sup>166</sup> Manketfu, angipakishi, kuya eZulwini. Ngiyatfulula, kuya eZulwini. Haleluya! Bese-ke, luHlwitfo, tfukulula yonkhe intfo. LiBhayibheli latsi, “Asilahle konkhe lokusindzako, nesono lesitsandzela kangaka kitsi, kute sigijime lomncintiswano ngekubeketela.”

<sup>167</sup> Sengiyambona lowomfo lomdzala ahamba, niyabona. Sengiyambona umkakhe lapho, atsi, “John, yini indzaba, mfana? Uyaphi?”

Watsi, “Ngiya kuyokhonta iNkhosi.”

“Wati kanjani kutsi uyahamba?”

“Yebo-ke, ngiyahamba.”

<sup>168</sup> “Yebo-ke, awunayo ngisho nenkhombandlela. Awunayo ngisho ilayisensi yakho yebufundisi. Yini indzaba eveni ngawe? Ngabe batokwemukela? Uya kuyokhonta iNkhosi?”

“Yebo.”

“Tsatsa inkhombandlela yakho.”

“Cha, angiyidzingi.”

“Awuyidzingi? Utotika kanjani lapho?”

<sup>169</sup> Sengiyambona akhomba etulu eNkhanyetini yekusa, atsi, “Ngihamba ngendlela leniketwe nguNkulunkulu.” Amen. Nkulunkulu waniketa iNkhanyeti, kuhola tati. Bebangadzingi inkhombandlela. Bebadzinga indlela leniketwe nguNkulunkulu, iNkhanyeti. Ludvumo!

<sup>170</sup> Futsi yena loNkulunkulu lofanako lowaholela tati kuKhristu, ngeNkhanyeti, ulapha kusihlwa esimeni saMoya loNgcwele, kuniholela kuKhristu, kuTalwa lokusha, umbhabhatiso waMoya loNgcwele, lokuyindlela leniketwe nguNkulunkulu. “Uma umuntfu angakatalwa ngemanti neMoya, angeke awubone ngisho nekuwubona uMbuso waNkulunkulu.” Besilisa nebesifazane, niMemukele na?

<sup>171</sup> Sikhatsi sami sesiphelile. O, hhe, ngiva nje kwangatsi ngingangena kuko. Ngifake sandla sami emakhikhini elibhuluko lami, bese ngishumayela njengemshumayeli lomdzala losedzeleli. Leni? Ngiyakutsandza. “Mfana, ngifuna i-ayiskhrimu,” kodvwa ufanele ubene-bheyikhoni nemabhontjisi kutsi kuhlale ehlangotsini lwakho. Lokutsite kutsi kusondle, kukanandzise. Nguloko lesikudzingako. Anikukholwa? Impela.

<sup>172</sup> Nkulunkulu unendlela leniketiwe. Ngabe ukuYo kusihlwa na? Umemukele yini Moya loNgcwele kusukela wakholwa?

Manje nine bangani bami labahle labangemaBaptisti, futsi niyati kutsi bengiwase...NgingumBaptisti, nemelusi wami lapha uyiBaptisti. Kodvwa ngifuna kunitjela lokutsite. Tento te 19 titsi, "Namemukela yini Moya loNgcwele kusukela nakholwa na?" Hhayi *ngesikhatsi* ukholwa, kodvwa "kusukela" nakholwa. Yebo, mnumzane. Uma ungakaze, Wakho kusihlwa. Nkulunkulu unendlela leniketiwe.

<sup>173</sup> Mnaketfu, dzadze, ungetami kuhamba ngeyakho indlela. Ungendluli emacembeni emkhiwa. Ungahambi untanta etikwelugodvo, njengoba batama kwenta embujisweni yasendvulo ngaphambi kwazamcolo. Ningabeki emacembe emkhiwane, njengoba kwenta Adamu. Ningetami kuhamba ngendlela yeNkhosi Nebukhadinezari, kuhlupha liBandla laNkulunkulu. Ningahambi tonkhe leti letinye tindlela letehlukene, letimo leti netindlela, lebesingatisho letinengi.

<sup>174</sup> Ningahambi njengoba kwenta baFarisi, umuntfu lokholwako impela, watsi, "Manje buka lapha, sisendzaweni lephakeme. Futsi uma kukhona nomayini lokwentekako, sitokwati konkhe ngako."

<sup>175</sup> Futsi Nkulunkulu watsi shelele waphumela lapho, wase utalwa anguMntfwana emkhombeni waseBhetlehema, waMtsatsa wamyisa phansi eveni; futsi waphuma eveni, ngekujeziswa ngekubulawa; futsi bebangati lutfo ngako. Kunjalo! Indlela leniketwe nguNkulunkulu.

<sup>176</sup> O, ngalesinye sikhatsi kwakukhona wesifazane, bekacitse yonkhe imali lebekanayo. Haleluya! Bodokotela bebangakhoni kumsita. Futsi ngalelinye lilanga wavele waculeka nje. Bekenenkinga yemopho leminengi, iminyaka leminengi. Futsi ngalelinye lilanga weva kubhodla esikebbeni. Wabuka ngephandle, futsi kwase kufike indlela leniketwe nguNkulunkulu! Loko yi...?...O, hhe!

<sup>177</sup> Sengiyambona eta kulephakeme, iBaptisti lesezingeni. "Tinsuku temimangaliso selwendlulile." Wavele nje wakhansa emkhatsini wemilente yabo. Badzingeka besuke.

<sup>178</sup> Ngiyambona eta lapho eBrigham Young nabo bonkhe bafati bakhe; wavele wendlula nje. Watsini na?

<sup>179</sup> Ngiyabeva bona batsi, "Mani lapho! Uyaphi, leyonyanga lengeke ikwentele lutfo? Uttoyaphi-ke? Ngikubonile entasi lapho, naloyomopho."

Watsi, "Ngiya endleleni leniketwe nguNkulunkulu."

<sup>180</sup> "Ikuphi leyo? Ngiyacabanga awusho loyamzenzisi lapho?"

"Kulapho layikhona khona. Ngiyachubeka nje ngiyangena."

<sup>181</sup> Wafucela wabhidla, futsi lapho, waze wefika kulomfo lapha. Futsi bekasontsa ku—kuloluhlobo *lolu* Iwelibandla, *naloku nalokwa*, futsi bonkhe batama kumfucela emuva. Kodvwa lowesifazane wavula indlela yakhe leya kuJesu.

<sup>182</sup> Labanye babo batsi, “Manje awume kancane, dzadze. Uma udla inyama, ungeke ukhone kukwenta.” Bekahamba ngendlela leniketwe nguNkulunkulu.

<sup>183</sup> “Uma ungakatiphatsi tinyoka, ungeke ukhone kukwenta.” Wahamba ngendlela leniketwe nguNkulunkulu. Bekafuna kufika kuJesu. Kunjalo.

<sup>184</sup> Ngicabanga ngaDavide wasendvulo. Haleluya! Yebo, mnumzane. Ngesikhatsi atsi kukhona...Lapho akhuluma khona nge...Watsi, “Nambitsani futsi nibone kutsi iNkhosi ilungile. Inambitseka njengeluju edvwaleni.” Inchazelo lendzadlana lebengivamise kuyisebentisa, ngicabanga ngesiceshana lebengivamise kusiphatsa esayidini *lapha*, lisakana lelincane labafaka luju kulo, belusi labancane bebawkwenta. Futsi uma kunalegulako bebayinika...letimvu tonkhe tatifula, bebatsatsa lolunye lwaloluju balukhiphe esikhwameni semhlanga bese balubeka etjeni lelimunyu, futsi babite lemvu legulako futsi bente leyomvu legulako ihambe ikhotse kulelodvwala. Futsi uma ihamba ikhotsa loluju edvwaleni, yayihamba futsi ikhotse lokunye kwalelolitje lelimunyu lapho isakhotsa loluju. Futsi niyati kutsi kwentekani? Lemvu legulako yasindza.

<sup>185</sup> Manje bukani lapha, mnaketfu. Nginesikhwama sonkhe selisaka lesigcwele Lona, kusihlwa. Futsi anginakulibeka ebandleni leBaptisti, libandla leMethodisti, libandla lePresbyterian, noma libandla lePhentekhostali. NgiLubeka kuKhristu Jesu, lapho Lulwakhona, futsi wenamu legulako hamba uyokhotsa futsi ucinisekile kutfola lokutsite kuLo. Yebo, mnumzane. Ase uMkhotse. Njengaleyondvodza lendzala, ingewatjwe, futsi...?...Ase uMkhotse; nitokutfola.

<sup>186</sup> Ungakunaki lokushiwo libandla lakho. Naka Khristu. Mlandzele, ngoba, kuYe, UliBandla! Ngiyabona, hamba ngendlela leniketwe nguNkulunkulu. Akazange atsi iMethodisti yayiyindlela leniketwe nguNkulunkulu, kanjalo futsi Akashongo kutsi iBaptisti yayinjalo, noma nguliphi lelinye libandla. Watsi, “NgiyiNdlela, liCiniso, nekuPhila.”

Wena utsi, “Yebo-ke, ngati kanjani kutsi ngikuYe na?”

<sup>187</sup> “NgaMoya munye tsine sonkhe sibhabhatiselwe eMtimbeni munye, saba ngemalunga alowoMtimba.” BaseKhorinte bekuCala 12, kunjalo, batfobela kuNkulunkulu...

<sup>188</sup> Yonkhe intfo Lanayo eMbusweni waKhe ngeyetfu. Utsatsa nje yonkhe iNcwadzi lenkhulu legcwele emasheke, futsi asayine liGama laKhe phansi ekugcineni, utsi, “Naku lapho ukhona, ndvodzana. Nomayini loyidzingako, hamba ukutfole.” Amen.

<sup>189</sup> Ungesabi kuligcwalisa. Ligcwalise bese uyalitfumela, utsi, “NgiyaKubonga, Nkhosi.” Haleluya! Kutokwenteka.

<sup>190</sup> “Nomayini loyifisako,” Makho 11:24, “uma ukhuleka, kholwa kutsi utokwemukela, utoba nako.”

<sup>191</sup> Sayina lisheke, utsi, “Nkhosi, ngidzinga kophiliswa.” Lidzabule, utsi, “Nako lapho ukhona, Nkhosi, ngicela eGameni laJesu kophiliswa.” Utsi, “NgijaKubonga, Nkhosi,” futsi uhambe uchubeke ngco, ukholelwé kophiliswa. Futsi kubuya ngco, njengalawomagwababa atfumela phansi loko kudla ku-Eliya. Nako ke.

<sup>192</sup> Utsi, “Ngidzinga insindziso yemphefumulo wami.” Utokwentanjani? Vele ubhale bese utsi, “Watsi, ‘Wotani kiMi, nine nonkhe lenisebentako nalenisindvwako; Mine ngitaninika kumphumula.’ Loko kungekwami, Nkhosi.” Gewalisa lisheke. “Ngidzinga insindziso. Nginikete yona, Nkhosi.”

“Nayi ke Yona.”

“NgijaKubonga, Nkhosi.” Hamba nayo.

<sup>193</sup> Udzinga Moya loNgcwele? Yebo, mnumzane. “Lindzani edolobheni laseJerusalem nite nembat siswe eMandla lavela ngeTulu. Emvakwekuba Moya loNgcwele sekefikile kini, nitawuba bofakazi baMi eJerusalem, eJudiya, naseSamariya, nasemikhawulweni yemhlaba.” NiyaLikhola na? Gewalisa lisheke bese uyalitfumela, lisayiniwe, ubone kutsi kwentekani. Nkulunkulu utoKuniketa. Indlela leniketwe nguNkulunkulu. Wanipha iNewadzi yemasheke, chubekani futsi niyigcwali. Nkulunkulu waKwetsembisa. Niyakukholwa loko? Impela. Nkulunkulu sonkhe sikhatsi unendlala leniketi.

<sup>194</sup> Kwakunemfo lomdzadlana ligama lakhe linguJayiru, ngalelinye lilanga. O, bekatsite kutihlanganisa nesicuku salabangakholwa.

<sup>195</sup> Njengencumbi yebashumayeli, bajoyine indlela lefanako namuhla. LiBhayibheli latsi, “Ungatibopheli emkhatsini walabangakholwa.” Kulungile. Intfo yekucala niyati . . .

Angati kutsi ngubani lowasho loko? Nguwe?

<sup>196</sup> Yebo-ke, liBhayibheli latsi, “Letibonakaliso leti tiyobalandzela labakholwako. NgeliGama laMi bayokhipha emadimoni, bakhulume netilimi letinsha, baphatse tinyoka, banatse lokubulalako; babeka tandla etikwalabagulako, bayosindza.” Wake washumayela Loko, ihhafu yemabandla, namuhla, iyokukhahlela ikukhiphe emnyango. Kunjalo. Kunjalo. Angiyati indlela leniketwe nguNkulunkulu, kodvwa nguloko Lakusho. Nguloko Jesu lakusho. Niyakukholwa na? Yebo, mnumzane.

<sup>197</sup> Futsi-ke uma Ashito njalo, amen, ngiyakukholwa. Ngicabanga kutsi KuliCiniso, futsi ngihamba ngendlala yaKhe, loko Latsi kwente. Futsi ULicinisa netibonakaliso, timanga, tilandzela. Kunjalo.

<sup>198</sup> Ngako yentani intfo lefanako nje, ngenani ngco. Kwabo bonkhe... Loyo lotsandzako, akete angene. Wotani. Nkulunkulu unibitile, nifanele nite, ngako wota ngco ungene. Ungabe usalindza. Kutsatse, kusihlwa.

<sup>199</sup> Ngiyambona lomfo lomdzadlana; watihlanganisa. Bekamtsandza Jesu, kodvwa noko bekaluhlobo nje lwendlela... Bekangafuni kalahlekelwa sitfunti sakhe, niyati, tibusiso. Ngako baphuma; bakwenta.

<sup>200</sup> Ngako iNkhosi yatsi, "Manje buka lowomfo lomdzadlana entasi lapho. Ngammisela ngaphambili ekuPhileni lokuPhakadze, futsi nango ke analeso sicuku salabangakholwa. Ngako ngitomlungisa." Uvele nje avumele indvodzakati yakhe igule.

Watsi, "Yebo-ke, ngitobita Dokotela Doe."

<sup>201</sup> Dokotela Doe wambuka. Watsi, "Kushaya kwemtsambo kuyehla, Jayiru. Ngitakutjela kutsi kuncono senteni; ncono sente loku, lokwa." Futsi wamnika onkhe lamaphilisi, nakanjalonjalo. Wachubeka ngco, afu.

<sup>202</sup> Wase utsi-ke, "Ngi—ngi—ngi—ngiyatibuta kutsi Nkulunkulu unayo yini indlela leniketiwe na?" O, hhe!

<sup>203</sup> LeNdvodza labeyigcekele kakhulu impela, mayelana nekuphilisa kwaNkulunkulu! Noma, weva ngaYe, futsi watsi, "Yebo. Yebo. Uh-huh."

"Jayiru, awucabangi kutsi Ungumzenzisi?"

<sup>204</sup> "Cha," kwasho Moya loyiNgewe, "Akasuye umzenzisi. Uyakholelwa kuYe."

<sup>205</sup> "O, kulungile, ya. O, ngi—ngi—ngiyacabanga Unguye.

<sup>206</sup> Niyabona, nguleyondlela labanye balabashumayeli labeme emnceleni labangiyio, kunjalo, bayesaba nje. O, Nkulunkulu ukhipha kungabinamgogodla bese ufaka umgogodla kuwe!

<sup>207</sup> Ngiyakutsandza loko bufakazi baBuddy Robinson lobungiko. Watsi, "Nkhosi, ngnike umgogodla longangesigodvo. Faka umsindvo le ekugcineni kwemgogodla wemphefumulo wami. Futsi angilwe nadevali kuphela nje uma ngisenalo linye litinyo lelisele, bese-ke ngiyamluma ngize ngife." Ngiyakutsandza loko. Kunjalo. Watsi, "Benginenja yekutingela tingwe lendzala. Yafa, iyindzala. Yayiletsha singwe yaze yangabi ngisho nalinye litinyo lelisele, ngako yayitiluma ngetisimi lettingwe, futsi inswininite." Ngiyakutsandza loko. Kunjalo! Haleluya!

<sup>208</sup> Wena utsi, "Mnaketfu Branham, angikakhoni kuba nemfundvo lenengi kakhulu. Ngimncane kakhulu. Bashumayeli batongencaba!"

<sup>209</sup> Asesibuyelete nje kulendzaba. “Akusibo bukhulu balenja ekulweni; yisayizi yalokulwa kulenza.” Kunguloko ke namuhla! Sukuma lapho! Angikucatsanisi nenja, kodvwa sukuma lapho.

<sup>210</sup> Njengoba sikhulu lesidzala sasho ngalelinye lilanga, sesilungiselela kuhamba. Satsi, “Uchubanjanji, sikhulu?”

<sup>211</sup> Watsi, “Ngifuna kukutjela, mnaketfu.” Watsi, “Kunetinja letimbili kimi. Yinye imnyama nalelenye imhlophe. Lelemnyama ifuna ngente lokungakalungi, nalelemhlophe ifuna ngente lokulungile.” Watsi, “Tihlala njalo tilwa futsi tihhwilitisana.”

Ngatsi, “Nguyiphi letoncoba, sikhulu?”

Ngatsi, “Kuyangekutsi nguyiphi sikhulu ledla kakhulu.”

<sup>212</sup> Futsi loko kutsi akube ngulokucinisile, nako. Yebo, mnumzane. Kulungile, mnaketfu. Ngiganitjela, lokudzingwa live kusihlwa kutanyatanyiswa lokuhle lokudzala.

<sup>213</sup> Jayiru watsi, “Manje awume kancane.” Lendvodzakati yagula impela. Litsemba kuphela lebelisekhona, kutsi ake amtfole, kwakukuya kuJesu. Yena... Besuka baya kuyofuna Jesu.

<sup>214</sup> Asesemgwacweni... Ngiyambona eta enyukela lapho. Nalowesifazane wavele waphiliswa kulenkinga yekopha. Nangu achubeka, watsi, “Indvodzakati yami seyilele manje... Anginandzaba kutsi umphristi utsini, kutsi noma ngubani utsini. UNgeta yini, ubeke tandla taKho etikwakhe? Ngiyakhola kutsi Uyindlela leniketwe nguNkulunkulu yekuphiliswa kwakhe. Ungeta yini, ubeke tandla taKho etikwakhe, utosindza?”

Watsi, “Ngitohamba.”

<sup>215</sup> Nangu Acala, achubeka. Intfo yekucala niyati, nako kusuka umuntfu endlini yabo agijima, atsi, “Jayiru, ungasayikhatsati iNkhosi, ngoba, lentfombatane seyivele ifile.” O, o, hhe! Ngiyayibona inhlitiyo yakhe lencane igcumela ngekhatsi kuye, kanjalo.

<sup>216</sup> Sengiyawabona lawo latsandzekako, emehlo latsambile aJesu agicikela kuye, atsi, “Angikasho yini kutsi, ‘Ungesabi, futsi utobona inkhatimulo yaNkulunkulu na?’” Uyindlela leniketwe nguNkulunkulu.

<sup>217</sup> Kwakukhona indvodza lendzala ligama layo lingu-Bhathimeyosi loyimphumphutse, wahlala emasangweni ngalelinye lilanga, acela tipho. Kwakusimo selitulu lesibandzako, cishe ngeMphala. Weva umsindvo wehla ngesitaladi. “Yini leyo?”

“Ngani,” watsi, “loyo ngu—nguJesu waseNazaretha.”

<sup>218</sup> Akazange abukisise... Wakhumula ingubo yakhe. Akazange ayibeke phansi, futsi wayigoca ngako, niyati, bekakhona kupumphutsa indlela yakhe yekubuyela kuyo. Waphonsa

ingubo yakhe eceleni. Nkulunkulu bekanikete indlela, futsi bekakuyo. Bekagijimele entasi lapha.

<sup>219</sup> Labanye...?...batsi, “Hlala phansi! Hlala phansi! Akanasikhatsi sekutilulata ngawe.”

<sup>220</sup> Wamemeta kakhulu, “Jesu, Ndvodzana yaDavid, ngihawukele! Ngihawukele!” Bekaphikelele achubeka. “Bani nemusa kimi! Ngiyati kutsi Wena uyindlela leniketwe nguNkulunkulu yemehlo ami. O Nkhosi, ngihawukele!” Kunjalo.

<sup>221</sup> Ngafundza umlandvo waBhathimeyosi loyimphumphutse, ngalelinye lilanga, indzaba lencane. Basho kutsi bekakadze ayimphumphutse iminyaka. Bekenendvodzakati lencane lebekangakaze ayibone. Ngalobunye busuku...Futsi bekavamise kwenyukela lapho bese uhlala esitaladini. Bekaneliwundlu lelincane. Emawundlu bekavamise kuhola bantfu labatimphumphutse njengoba kwenta tinja namuhla; tinja tihola emadvodza layimphumphutse. Bebaneliwundlu lelicecephelwe kuhola timphumphutse. Futsi-ke lomunye washo, ngalelinye lilanga, kutsi...

<sup>222</sup> Bekenematuba lamancane lamabili futsi bekenta kugcuma lokuncane, kanjalo, kukhangang kunaka kwetivakashi, letiya eJerusalem, noma tingena e—dolobheni, futsi bebaye baphonse emasenti enkomishini yakhe. Bekayimphumphutse.

<sup>223</sup> Ngako ngalobunye busuku umkakhe wagula impela, ngako waya eNkhosini. Futsi watsi, “Nkhosi, anginalutfo. Ngingumunfu lophuyile. Ngiyimphumphutse. Ngite lutfo lengingaKunika lona. Kodvwa ngiyaKukholwa, Nkhosi. Futsi uma nje Utoba nesihawu futsi uvumele umkami tatane aphile, kusasa ngitoKunika lituba lami libe ngumhlatjelo.” INkhosi yamphilisa umkakhe ngalobo busuku.

<sup>224</sup> Ngelusuku lolulandzelako wabuyela emuva, ngemphristi, wanikela ngematuba lamabili kwenta umhlatjelo. Ngako-ke bekete lutfo ngaphandle kweliwundlu.

<sup>225</sup> Kungesiko kadzeni emvakwaloko, intfombatane yakhe lencane yagula. Bodokotela abakhonanga kumentela lutfo. Watsi, “Nkhosi, nginentfo yinye kuphela lesele,” futsi watsi, “lelo liwundlu. Kodvwa uma Utovumela intfombatane yami lencane, lengingakaze ngiyibone, uma kuphela Utoyivumela isindze, khona-ke ngitoKunika liwundlu lami libe ngumhlatjelo.” Yase-ke iNkhosi iphilisa lentfombatanyana yakhe.

<sup>226</sup> Tinsuku letimbalwa emvakwaloko, wacala kwenyuka ngesitaladi, lelowundlu limhola. Futsi Kheyifase, umphristi lomkhulu, wefika, watsi, “Bhathimeyosi loyimphumphutse, uyaphi?”

<sup>227</sup> Watsi, “Ngiyahamba, O mphristi lomkhulu, ngiya ethempelini. Leliwundlu lingiholela ethempelini; kutsi ngiyonikela ngeliwundlu lemhlajelo.”

“O,” watsi, “ungeke ukwente loko.”

Watsi, “Yebo,” Bhathimeyosi.

<sup>228</sup> Watsi, “Lapha, ngitokunika imbadalo yeliwundlu. Hamba uyotsenga linye.”

<sup>229</sup> Watsi, “Angizange ngimetsembise Nkulunkulu *liwundlu*. NgiMetsembise *leliwundlu*, leliwundlu.”

<sup>230</sup> Watsi, “Bhathimewu loyimphumphutse, ungeke ulitsatse lelowundlu. Lelowundlu lingemehlo akho. Ungeke ubone ngaphandle kwalelowundlu. Lelowundlu liyakuholo. Lawo ngemehlo akho, Bhathimeyosi loyimphumphutse. Ungeke ukhone kunikela ngalelowundlu.”

<sup>231</sup> Watsi, lendvodza lendzala yachachatela kancanyana futsi yatsi, “O mphristi lomkhulu, Nkulunkulu utoniketa liwundlu entele lamehlo lamphumphutsekile aBathimeyosi.”

<sup>232</sup> Nkulunkulu abusise inhlitiyo yakhe! Ngesikhatsi eva loko kuta; Nkulunkulu bekanikete liwundlu. Nango ke.

<sup>233</sup> UliWundlu leliniketwe nguNkulunkulu kusihlwa. UliWundlu leliniketelwe emehlo etfu, emehlo enu akamoya. UliWundlu leliniketelwe umphemfumulo wakho. UliWundlu leliniketelwe kuphunyuka kwakho kwesihogo. UliWundlu leliniketelwe inkhatimulo yenu eZulwini.

<sup>234</sup> Ningete naMemukela, lapho sisakhuleka, sisahotsamisa tinhloko tetfu?

<sup>235</sup> O Nkhosi Nkulunkulu, Mdali wemazulu nemhlabo, mcalisi wekuPhila lokuphakadze, mniketi waso sonkhe sipho lesihle; tfumela tibusiso taKho etikwalabantfu laba. Luko lokulibile, lokuncane, kuphawula lokungaka, Nkhosi; kodvwa ngiyati kutsi Wena unendlela leniketiwe.

<sup>236</sup> Wena watsi, “Njengoba kwakunjalo etinsukwini taNowa, kuyoba njalo ekubuyeni kweNdvodzana yemuntfu.” Sikhatsi sekulungiselela, sikhatsi lapho... Indzawo yekutsi ilungiselelwé labo lebebafuna kuphunyuka elulakeni. Ngiyakhuleka, Nkulunkulu, kutsi khona manje, kutsi... leloWundlu laNkulunkulu lelaniketelwa emehlo alendvodza leyimphumphutse, noma wesifazane lonemopho, lowamisa umopho, liWundlu lelaniketelwa Lazaru lofile. Nkulunkulu, bani nesihawu.

<sup>237</sup> Uma ngicabanga ngako, lelo liWundlu lelifanako lelaniketelwa emehlo ami laphumphutsekile, ngalelinye lilanga; ngesikhatsi Telamani takamayo tingitjela, eminyakeni lemitsatfu leyendlula, ngangingenalo litsemba lekutsi ngiyoke ngisindze futsi. Nkulunkulu waniketa liWundlu.

<sup>238</sup> Ngesikhatsi Utfumela iNgelosi yaKho entasi ngaleya, eGreen's Mill, futsi yatsi, "Hamba, wente loku," ngingakwenta kanjani embikwelive lelikhulu lebaphiki-nkulunkulu nalabangakholwa? Kodvwa Nkulunkulu waniketa liWundlu.

<sup>239</sup> Nkulunkulu, libandla lami lelincane tatane lapha, Nkhosi, njengoba ngilibuka! Futsi ngiyacabanga, ngetinkhulungwane letinengi temamayela ngesheya kwetilwandle, nematsafa elichwa netinguzuma tematje elichwa! Ngihlale kanjani lapho, sikhatsi lesinengi, ekamelweni lelinesitunge, ngikhuleka. Cabanga ngetikhatsi kutsi uma batokuta ngalapha futsi bangichawule sandla. Lisaha laleyonkhucuta yelisaha lisabalala phansi esiyilweni, emafasitelo atamatama ngesikhatsi umoya uvunguta.

<sup>240</sup> Ngicabanga ngekuletsa umkami lotsandzekako, futsi, ngimbeke phansi lapha eceleni kwesiphambano, bashumayela emngewabeni wakhe. Ngikhumbula ngibona umntfwanami lomncane, Nkhosi,olele emkhonweni wakhe.

<sup>241</sup> Ngiyamkhumbula tatane, Billy Paul lomncane, Wena lomgewalise ngaMoya loNgcwele ema-aweni lambalwa lendlulile. Ehlela ethuneni lakhe lapho ngaloko kusa, kubeka imbali yeliPhasika kulo, wase ucala kukhala; Ngagaca umkhono wami kulomfo lomncane, ngase ngitsi, "Nkulunkulu unikete liWundlu, umnikelo wesono. Ngalelinye lilanga lelithuna lelincane liyovuleka; make uyophuma, futsi kanjalo nadzadze lomncane. Nkulunkulu uneliWundlu leliniketiwe."

<sup>242</sup> Ngalelinye lalamalanga, Nkulunkulu, lapho inshumayelo yami yekugcina seyishunyayelwe; bangahle bangibekе ekamelweni lelitsite, futsi ngiyokuva kushaya kwemtsambo kwenyukela esiphikeni, ligagasi lekufa lokubandzako lintanta ekamelweni lami, lapho lifasitelo livuleka, emakhethini abhenguka. Fuca umkhumbi wekuphila ke ngalesosikhatsi, Nkhosi. Ngitotsatsa kugibela kwami kwekugcina. Ngiyovele nje ngendlale lishidi. Simbonyo siyovala phansi, nelishidi liyobe lingimbonyile.

<sup>243</sup> Ngifuna kuhamba ngehlele esigodzini selitfunti lekufa. Ngifuna kuta ejordane, "Ngendlale endleleni yami!" Futsi ngimemete, "Vula indlela, Jordane! Ngewelete ngesheya!" Nkhosi, fuca sikebhe sekuphila ke. Ngemukele, Utawukwenta yini, Nkhosi? Ngemukele ke, Utawukwenta yini, Nkhosi? Akusimi kuphela, kodvwa wonkhe umuntfu ekhatsi lapha, longahle emukelwe ngalesosikhatsi, Utokwenta yini, Nkhosi? Siphe kona. Kusukela lapho ke, kuyoba nalabanengi betfu labewelako, futsi babuyelete ePharadesi bese-ke bahlala ingunaphakadze.

<sup>244</sup> Babe, uma kukhona lowo wesilisa noma wesifazane lapha kusihlwa longakwati Wena, longati kutsi kunasisindvo sini konkhe, longakaze atalwe kabusha, longakaze ayitfole

lendlela leniketwe nguNkulunkulu, kwangatsi bangayitfolo njengamanje, njengoba sisakhuleka, ngeliGama laJesu Khristu.

<sup>245</sup> Inhloko yakho ikhotseme, mngani wami losoni. Nkulunkulu abusise inhlitiyo yakho. Labanengi labangephandle noma ngekhatsi. Moya loyiNgcwele ulapha. Uke wayemukela indlela yaNkulunkulu yekuphuma, indlela leniketwe nguNkulunkulu yakho? Akukho lutfo lobewungalwenta kutsi utibonge ngako. Nkulunkulu ukuniketele yona. Ningete neta yini, niyemukele na? Ningeke nine, kusihlwa na? Uma akhona umngani losoni lapha, phakamisa sandla sakho, utsi, “Mnaketfu Branham, ngikhulekele. Ngifuna liWundlu leliniketwe nguNkulunkulu emphilweni yami.”

<sup>246</sup> Asinayo indzawo lapha yekubitela e-altari ngase-altari. Kute indzawo, ngako nje ngikucela kutsi uphakamise sandla sakho. Ungakwenta, soni na? Nkulunkulu akubusise, mnumzane. Nkulunkulu akubusise, mnumzane. Futsi Nkulunkulu akubusise, sisi. Nkulunkulu akubusise, nawe.

Emuva ngemuva, futsi, noma ngubani emuva lapho na?

<sup>247</sup> Ngale ngesekudla sami manje? Nkulunkulu akubusise. Nkulunkulu akubusise. Nkulunkulu akubusise. Lomunye umuntfu longasiphakamisa sandla sabo, atsi, “Ngikhumbule. O Nkulunkulu, ngiphe umusa kusihlwa, kuPhila kwaKho kweliWundlu.” Nkulunkulu akubusise, dzadze. Ngiyakubona, uhleti lapha.

<sup>248</sup> Lomunye ngephandle, yenyuka ubeke tandla takho esikrinini, futsi atsi, “Mnaketfu Branham, ngikhumbule. Ngifuna indlela leniketwe nguNkulunkulu.”



*INDLELA YANKULUNKULU LEYENTELWE TSINE* SSW52-0900  
(God's Way That's Been Made For Us)

LoMlayeto ngeMnaketfu William Marrion Branham, kwekucala wetfulwa ngesiNgisi ngenyanga yeNyoni, 1952, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Luko kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)